

《中年3》14強現身商場造勢

龍婷親友都話似 劉曉昆撞樣



■劉曉昆(左)與龍婷的笑容如出一轍。

《中年好聲音3》14強參賽者昨日到商場與市民近距離接觸，師兄黃劍文與師姐龍婷前來打氣。龍婷於節目中會跟師妹劉曉昆合唱，她表示知道師妹強項是跳舞，故特別揀跳唱歌合唱，希望助劉曉昆晉級。提到不少網民指兩人似樣，龍婷笑言與劉曉昆的笑容如出一轍，很多親友都覺得她們似樣。

無綫歌唱真人騷《中年好聲音3》大受歡迎，昨日14強參賽者到商場為節目造勢，6位最高分參賽者占士丁丁、黃博、張與辰、劉洋、李金凱及陳芷盈於台上獻聲，大會同時宣布《中年3》決賽將於5月11日在啟德體育館舉行。

龍婷於《中年3》節目內與劉曉昆合唱，她指師妹以往唱苦情歌較多，故挑選輕快歌合唱：「見佢之前跳舞可以做一字馬，就揀咗首跳舞歌合唱。」對於不少網民覺得她與劉曉昆外貌相似如兩姊妹，龍婷笑言：「之前我拎我哋嘅合照畀親友睇，佢哋都話好似，尤其係我哋嘅招牌笑容。」劉曉昆自認廣東話不靈光，感謝龍婷教路：「喺咬字方面佢幫住我好多。」對於決賽安排在啟德新場館舉行，劉曉昆大表期待，希望有機會上台演出，因未試過在這麼大的場地獻唱。

李金凱陳芷盈齊戒辣

充滿正能量的李金凱與陳芷盈均表示決賽日子愈來愈近，心情難免緊張，李金凱會將緊張變成動力，在比賽上盡力演出，不讓支持他的人失



■李金凱與陳芷盈都充滿正能量。

望。陳芷盈則表示時刻提醒自己放鬆：「因為喺舞台上緊張就容易失誤，如果忘記歌詞我會好慚自己。」問到還有什麼絕招未使出？陳芷盈笑言：「之前爸爸入院令我擔心，依家佢出咗院，我有時間準備，我會有新嘗試做自己從未演出過嘅表演，自己都好期待。」李金凱謙稱沒有必殺技，最重要是臨場發揮應有水準：「要對得住自己和粉絲。」

問兩人有否養聲秘技？原來他們都是嗜辣的人，李金凱為了比賽，演出前一兩天會戒吃辣，陳芷盈更要放棄最愛的麻辣火鍋、甜品及薯片，兩人笑言比賽後要相約大家吃大餐慶祝。



■《中年3》14強於比賽過程建立深厚友誼。

農夫曾遭不友善批評 用成績反擊「廢老」



■C君(左)與陸永一直想舉行棟篤笑。

組合農夫前晚在西九文化區戲曲中心大劇院舉行《20首歌的21堂課補課》演唱會尾場，陸永和C君分享在音樂路上遇過的抨擊，兩人表示十多年前到電台宣傳歌曲，被DJ揶揄：「佢唱Rap咁老土！學周杰倫一首歌有Rap又有唱。」其後他們創作一首融合多種風格的《狼狗羊》，得到大家喜歡，但同期另一首歌《重新找到你》則被一位大前輩不友善批評，C君說：「佢話如果唔係農夫

唱已經紅咗，陳奕迅唱會好聽得多。相信大家由細到大都經常聽到『如果畀邊個做就更加好』呢啲說話，同你講呢啲說話嘅人係真正『廢老』！呢首歌唱足十幾年佢唱緊，至於嗰位大前輩已經唔知喺邊度。」

兩人表示多年來想辦棟篤笑，可能找一個比紅館細一半的場地：「先搞半個場，另外一半場地係Twins演唱會，打側手翻同棟篤笑同時進行。」全場拍掌贊成。

胡鴻鈞 生日願望想脫單

胡鴻鈞昨日與100名粉絲舉行派對，補祝35歲生日。胡鴻鈞透露生日當天與家人共度，問到最想跟誰一起慶生？他笑言：「將來嘅女朋友啦！大家都係想聽呢一句，哈哈。不過連一向唔過問我感情嘅屋企人，最近都有問，令我好驚訝。所以生日願望除咗身體健康、世界和平外，同埋有更多工作，包括拍劇同拍拖。」問到可有叫好友吳業坤的日籍太太做媒人？他笑言：「唔使，我日文唔夠坤哥好。不過我唔介意年紀、地域或各方面問題，最重要係合眼緣、性格夾同溝通到。」



■胡鴻鈞擇偶條件最重要合眼緣。



■顏米羔(右)專程到場支持羅啟豪。

羅啟豪自爆咬崩門牙

羅啟豪昨日到沙田出席「生日篇 X MV 首播會」，吸引逾200粉絲到場，好友顏米羔、魏嘉信及吳大強專程撐場。羅啟豪表示希望今年出兩首歌，讓大家看到他的進步和突破：「第二個願望係希望自己同大家健康同開心，因為之前食嘢咬崩門牙，但生日都想要食餐好。」顏米羔最近被拍得駕保時捷與長髮中女遊車河，他說：「嗰個女仔係工作人員，保時捷係朋友嘅車，好多朋友都叫我幫佢哋揸車，我當日都係工作。（同嗰位女士有冇發展可能？）全港市民都有發展可能。」